

Jón Gíslason.
De elephantiasi Nor-
vegica.

Havniae 1785.

om Eſſen vda. 1726. Heinrich Kießling v. 107.

DE
ELEPHANTIASI
NORVEGICA

PRAESIDE

JO. CLEMENTE. TODE

MED. D. ET P. P. AVLIATRO REGIO, COLL. MED. MEMBRO,
REGG. SOCC. MEDD, HAVN. PARIS, ET EDINB.
SODALE,

PRO GRADV DOCTORIS

DISPVTABIT

JONAS GISLESEN

ISLANDVS

Landsk. Chir. Soc.

FRAXFECTVRAE BVSKEVVDENSIS PHYSICVS REGIVS CIVITATVMQVE
DRAMARVM POLIATER,

HAVNIAE, AD D. ^{1^{ma}} SEPTEMBER, MDCCCLXXXV.

EX OFFICINA HOLMIANA.

THE UNIVERSITY OF CHICAGO

LIBRARY

1900

1900

1900

1900

1900

1900

1900

CELISSIMO ET SERENISSIMO
PRINCIPI
FREDERICO
GEMINI DIADEMATIS HAEREDI
SEPTENTRIONIS DELICIIS DVLCISSIMIS
DOMINO SVO CLEMENTISSIMO
HOC SPECIMEN INAVGVRALE
CEV DEVOTISSIMAE GRATITVDINIS DOCUMENTVM
SVBMISSISSIME OFFERT
AVCTOR,



Caput primum.

Descriptio morbi quoad Symptomata, causas, et medicabilitatem.

§. I.

ELEPHANTIASIS Norvegorum endemica, quæ Radesyge et Saltflod, nec non Spedalskehed vernaculâ lingua promiscue vocatur, incipit vulgo cum tuberculis cutaneis, varias corporis partes occupantibus.

PEDES tamen, brachia et facies, solita sunt loca, ubi morbus ab initio se manifestat. Nec facile habes alia signa pathognomonica, quæ morbi præsentiam in principio indicent. Tota enim oeconomia animalis, in corpore miserorum hoc malo affectorum primis plerumque

A

tem-

temporibus feliciter succedere videtur. Sed protracto paululum tempore, vividus faciei color in luridum mutatur, qui in subjectis nonnullis valde pallidus, in aliis vero, et quod sæpius evenit, plumbeus evadit, in aliis iterum color vix à naturali recedit. Tunc simul segnitie nonnulla et somnolentia sentitur, inque sexu sequiore menses interdum fluere desinunt.

Si nunc validior corporis motus tentatur, vel per acclivia gressus acceleratur, sentiunt ægrotantes iusto majorem ad genua astheniam et respirationis difficultatem. Facies paululum intumescit, tubercula cutanea leviter inflamantur, cicatricem, effluxo ichoris pauxillo, vel sponte, vel externis remediis adhibitis, induunt, sed statim iterum erumpunt. Hoc modo morbus plerumque incipit.

§. 2.

Si morbi sævitia sibi diutius relinquitur, sensus ille, qui tactus vulgo vocatur, hebescit, memorataque ulcuscula sedem in subjacente carne altius figunt, livescunt, ichorem tenuem aqua remixtum odoris singularis fundunt, qui majorem acrimoniam contrahens, ulcus pro loci affecti natura, vel sinuosum, profundum, subjectis ossibus cariem minitans, vel cum mag-

no doloris sensu in superficie serpens, cutim erodens, atque fungosum constituit. Tunc cutis circumquaque sæpe fit rugosa, et interdum nonnihil squamosa. In his ulceribus pus genuinum nunquam vidi, nec generari posse credo, nisi prava corporis constitutio prius sublata sit. Ubi vero externis tantum remediis tentantur, uno loco difficulter consolidata, altero citissime iterum erumpunt, quam scenam cum morbus per sat longum temporis luset, ad alteram traegodiæ partem, faucium et capitis affectionem, priore illa multo periculosiorem et sanatu difficiliorem transit.

§. 3.

Uvula primo leviter inflammatur, conquerrunturque ægrotantes de corpusculo quodam, quod in faucibus alternatim ascendat et descendat, vocaturque ab illis vernaculâ *Dott*. Sed cavendum est ne hoc pro signo morbi infallibili habeatur; spastica enim oesophagi contractio alternatim remittens, idem symptoma mentitur; sequior autem in Norvegia sexus, uti et masculi teneræ corporis naturæ, spasmis multum obnoxii sunt. Idem in simplice angina sæpe sæpius observari quis nescit?

§. 4.

QUAM primum autem morbus uvulam vere occupans hanc sensationem ægrotanti imprimi-
 mit, suam naturam jam prodit. Angina enim
 fauces cito, uvulam et tonsillas cum aphthosis
 maculis occupat, uvulaque brevi excidit. Po-
 stea palatum molle et interiora nasi invadit cum
 teterrimo ozanæ fluxu. Tunc ægrotantes ac-
 cerrimum dolorem sentiunt ad radicem nasi et
 sinus frontales, quem Sprengsel vocant, quasi
 hæc loca discerperentur. Interdum neque ocu-
 lis parcit malum. Sæpe enim alterutrum, sæpe
 utrumque infestat. Tunc glaucoma cum ta-
 raxi primum apparet, quod postea in concre-
 mentum fungosum, rubicundum et aspectu car-
 nosum usque eo excrescit, ut totus oculus fun-
 gosæ carnis speciem habeat. Genæ simul et tem-
 pora, eodem modo, ut de artubus dictum est,
 nunc exulcerantur. In calvaria vero tumores
 primo molles, parvi, complanati proveniunt,
 unde humor gelatinosus exsudat, qui cito con-
 crescit, sub quo concremento ulcera eadem ra-
 tione ac in aliis corporis partibus nascuntur,
 quæ ossibus subjectis non parcent, quin cariosa
 evadant. Hæc omnia licet caput patiatur, ar-
 tus tamen et alia corporis loca ulceribus non
 minus afficiuntur, unde omnia ista capitis ma-
 la

la sævitix morbi ad auctæ, non vero metastasi, sunt adscribenda.

§. 5.

MORBO ita maturitatem quasi nactō, habitus corporis indies marcescit et debiliior fit; Respiratio paulatim difficilior, vox rauca, nasalis et gracilis. Ossibus nasi carie exesis, nasus collabescit et quasi deperditur, visus aboletur, vel saltem valde debilitatur. Doloris sensus et pruritus intolerabiliter excruciant ægrotum imprimis in lecto decumbentem. Nec aerem frigidum ferre valet iste. Interea tamen appetitus et excretiones alvi sunt fere naturales, omnis vero motus molestus, omnisque somnus turbatus; urina sibi non semper similis. In sexu se-
quiore loco mensium leucorrhæa interdum profluit. Sed quanquam hæc omnia symptomata ægrum vexent, nulla tamen vel valde exigua febris observari solet.

MIHI quidem nunquam contigit ægrotum videre, tristi fato jamjam succubiturum, sed vero similis eorum relatio mihi videtur, qui morbo consumptos hectica febre perire dicunt, uti tabe confectis evenire solet.

§. 6.

HÆC est morbi frequentior facies, quando sine evidente externa causa ab acrimonia interna ortus est. Interdum sub alia forma apparet; multum enim variat pro causarum occasionalium imprimis diversitate. Sed angina lente procedens, et summopere pertinax, uvulæ perniciosissima certissimum est symptoma, quod præsentiam morbi prodit, tubercula licet, et exulcerationes ab initio non appareant.

§. 7.

Ex illis quæ jam attuli elucescit, præcipua hujus morbi symptomata esse: Dolores varios; Tubercula cutanea in ulcera malignæ indolis erumpentia, sponte renascentia; Tactus in locis affectis hebetudinem; Faciem tumidam, luridam; Anginam lentam, inflammatoriam, malignam, in gangrænam abeuntem; Ossium cariem; Uvulæ, nasi, et visus deperditionem; Pruritum intolerabilem; Cutim rugosam et interdum squamosam; Mensium in sequiore sexu suppressionem, et fluorem album; Dyspnæam; Vocis immutationem; Somnum multum et turbatum; Febrimque hecticam, quam mors sequitur. Multa his adjungi posse symptomata patet, sed veniam facile me impetraturum confido tot enumerasse, quot opus est ad morbum dig-

dignoscendum. Superfedeo quoque pathologicas explicationes, has enim aliunde in genere sibi cognitās habebit unusquisque, priusquam hunc morbum sanandum suscipit.

§. 8.

INTER causas morbi prædisponentes primo numerari meretur, proclivitas ad hunc affectum incolis regni Norvegici in genere connata. Experientia enim docuit, multos in Norvegia natos ex levi causa occasionali in hunc morbum incidisse, quos jurasses homines esse sanissimos, nec credidisses ab hoc morbo tam facile affici potuisse. E contrario autem pro certo habetur, peregre advectos per totam vitam à labe immunes manere, quamvis iisdem causis occasionalibus, ac indigenæ, sint expositi, quin imò cum ejusmodi elephantiacis convixerint,

§. 9.

Huc valde affinis est causa prædisponens, quæ strictius hæreditaria vocatur. Multoties enim est observatum, ex progenie parentum morbo confectorum, unum vel alterum liberorum in hunc morbum incidisse, nulla evidente causa occasionali prævia, quod eo minus mirandum est, quo frequentior experientia de alio-

rum morborum seminiis, et natalibus idem testatur.

§. IO.

CAUSARUM occasionalium catalogus nimis longus foret, si omnes et singulas explicare vellem: præcipuas igitur et maxime notabiles adferam. Prima est aer hujus soli frigidus multum et humidus, magnam anni partem prævalens, qui, ut multis aliis morbis, ita quoque huic, insignem ansam præbet. Compertum enim est ex refrigerio morbum latentem excitari posse. Novi mulierem aspectu formosam, et fortunæ fatis lautæ, quæ dum rheda in aëre gelidissimo veheretur, statim morbo afficiebatur, et auxiliis viri experientissimi per longum tempus adhibitis, difficillime salutis restituebatur. Verum circa tale refrigerium id notandum est, quod catarrhus, non, uti aliter fieri solet, angina cum doloribus acerrimis ad radicem nasi, fauces et palatum occupante, solvatur, sed fluxus narium et angina, febre cessante, perdurant, quod citissimam faucibus et faciei devastationem minatur. Quamvis vero refrigerium haud frequenter tantum, tamque notabilem effectum sortiat, multum tamen ad morbum producendum semper valere illud, non est dubitandum. Neque parum huic noxæ favet, incautus hypo-
causto-

haustorum calidissimorum abusus, ex his enim homines prodeuntes, frigori rigidissimo se exponunt, nivì et aquis se immergunt, longa & difficilia itinera sub eadem cæli inclementia, madore à capite ad calcem perfusi, fuscipiunt. Morbo autem huic vel producendo, vel alendo, nihil æque favet ac frigus.

§. II.

IN causis occasionalibus non infimum locum meretur cibus et potus. Aqua in hoc regno sæpe impura bibitur, iis imprimis tempestatibus, dum nix solvitur, quas Stommetider indigenæ vocant. Præterea vehit secum aqua multum mineralis varii generis, scatetque diversis salibus, uti Anglicano, Glauberiano et Vitriolo. Talem aquam nonnihil conferre posse ad acrimoniam in corpore producendam, credibile est. Nec reticendus est vini adusti vilissimæ notæ abusus. Semper enim homini est nocivus; iis vero imprimis, qui ad hunc morbum sunt prædispositi.

§. 12.

CIBUS Norvegorum cacochymia insigniter favet. Usus enim vegetabilium est parcissimus, sed animale regnum illorum vices supplet. Nec carne animalium recente vescuntur, caro verò

fumo indurata, lardum semiputridum, pisces vetusti, indurati, præsertim haleces putrescentes, plevronectides garo refertæ, victum sistunt qvotidianum per integrum ferè annum. Nec datur pauperibus mensam suam condimentis ornare, nec sitim cerevisia exstingvere. Nemo hinc miretur, quod acrimonia humorum sit in hoc regno frequentior, quam in iis regionibus, ubi victus è regno vegetabili tam frequens, tamque abundans est, quam in Norvegia parvus & rarus. Suspecti quoque sunt pisces è salmonum genere, leprosi dicti, ut et pecora in quibusdam Norvegiæ tractibus, ejusdem famæ, quod sint esu valde insalubres, qui tubercula et alia morbi leprosi signa monstrent, eritque tutius ab istiusmodi esca abstinere, quam dubiam de sanitate aleam ludere.*)

§. 13.

SUNT adhuc in vitæ ratione Norvegorum multo plura, quæ huc pertinent, ut domicilia vetusta, mari et fluminibus nimis propinqua, in solo humido constructa, tum etiam neglecta nimium vestimentorum madidorum mutatio et munditiei defectus, non modo ratione vestimentorum, sed etiam illorum, quæ ad rem cibari-

*) Anton N. Martin. Anmärkningar öfver den så kallade Epitelfa Fisk och Boskap i Norrige. I Kongl. Svenskt. Vetensk. Akad. Handl. År 760. 4de Quartalet.

bariam pertinent. Hæc omnia magis vel minus, pro re nata causas hujus[morbi] occasionales fieri posse, nemo non intelligit.

§. 14.

VIOLENTIÆ externæ, ut lapsus, plagæ, verbera, concussus &c. morbum mire excitare valent. Præter repetitam variorum relationem, mihi videre contigit duas foeminas, quarum prios viginti annos nata, scalam incaute ascendens, femur et coxendicem ingenti plaga percusserat, quæ, post adhibita externa remedia, malo ischiatico afflicta, lecto constanter affigebatur, externa licet femoris et lumborum facies sana appareret; Sed paulo post plagam acceptam, fauces invadebat morbus, cum eisdem symptomatibus, quæ antea descripsi. Altera erat quinquaginta circiter annorum, quæ supercilium sinistrum, duro cuidam corpori impégerat, quam contusionem sanare diu frustra tentavit. Sed vulnus in ulcus latius sese indies explicans abiit, morbique complura adnares et fauces symptomata se monstrarunt priusquam idoneis externis et internis remediis, hoc malum fuerit sublatum.

§. 15.

DUM in eo sum, ut causas occasionales enumerem, non erit prætereundum contagium, cujus

cujus culpa hic morbus à multis diffamatur, ab aliis vero absolvitur. Neque hanc litem componere audeo, sed pro certo scio conjuges, quorum alter morbo erat infectus, per biennium et ultra, sine noxa cohabitasse. Vidi etiam ægrotantes, malo ad summum ferè aucto, cum sanis, sine omni evidenti detrimento, convixisse, quod in morbo contagioso impune fieri non potuisset. Accepi tamen à viris experientia claris, quod infectorum sputa, halitus oris, sudores, ichor ulcerum, et cætera, quæ ex talibus corporibus excernuntur, sint res, à quibus sanis serio cavendum, imprimis si dispositionis ad morbum ulla accederet suspicio.

§. 16.

JAM causas evidentiores morbi hujus quidem enumeravi, plures tamen adferri possunt, quæ huc sensu strictiore pertinent; varii enim morbi, imprimis cutanei, ansam huic malo præbere possunt, si vel negligantur, vel male tractentur. Nec tacite prætereundæ sunt nutrices infantium, diversa labe infectæ, quarum nimis in Norvegia numerus insignis malorum existit scaturigo. Sic etiam Pathemata animi morbum provocasse observatum est. Ut paucis dicam: Quicquid naturam hominis debilitare

tare valet, in genere hujus morbi causa vel prædisponens vel occasionalis, magis minusve conspicua, fieri potest.

§. 17.

AD causam mali proximam quod attinet, acrimoniam humorum specificam, et incolis Norvegiæ endemiam, in actum provocatam pro illa assumi debere censeo.

§. 18.

PRIUSQUAM morbi descriptionem relinquam, aliquid de ejus duratione dicendum foret. Sed fateor me nil certi hac in re determinare posse; valde enim variat pro circumstantiis. Attamen præcerto accepi, morbum interdum ultra duodecim annos protrahi. Quid? Quod mihi narravit expertus in Norvegia medicus, ad viginti annorum spatium et ultra, prolongatum esse. Nam junior ætas ejus sævitiam diu fert, sine plenaria flammulæ vitalis extinctione. E contrario nunquam vidi, vel audiui, solis naturæ viribus medicatricibus sanatum esse, si tantisper in conspectum venerit, ut dignosci posset. Remediis igitur idoneis semper opus est ægrotantibus, si ab illo liberari cupiunt.

§. 19.

Ex illis, quæ propria edoctus observatione de morbo jam dixi, definitionem ejus talem construere licebit; Elephantiasis Norvegorum endemia est, Cachexia chronica, quæ tuberculis cutaneis in ulcera maligna, crustis, et Squamis sæpe obsita, abeuntibus, cum inflammatione imprimis faucium lenta, tumores et ossium cariem efficientibus, se prodit, comitante anæsthesia, vocis immutatione, et oppressione pectoris, nullisque remediis, vulgo cognitis, ex toto cedit, unde sibi relicta morte semper terminatur.

Caput secundum.

Varii Auctores contemporanei, qui Elephantiasin descripserunt.

§. I.

PRIORI capite Elephantiasin norvegicam delineare tentavimus, qualem propria observatione cognoscere licuit. Nunc variorum ejusdem morbi descriptiones enumerando, propius ad metam accedere cupimus, ut vera morbi natura detegatur. Sunt vero septentrionales medici, qui principem promerentur locum, inque his primum celeberrimus D. H. Möllerus, medicus provincialis Scheenenensis, qui has notas morbo

morbo tribuit: *Color faciei est pallidus, flavus, sæpe nigrescens cum vultu subtumido, vel macro lurido. Gingivæ putridæ, maculæque diversi coloris in suris potissimum, ut et in aliis corporis partibus apparentes. Respiratio anhelans, difficilis et brevis. Omnis generis hæmorrhagiæ, vel sponte, vel ex levissima causa prorumpentes. Langvor et asthenia membrorum insignis mane, et continuum cubandi desiderium. Efflorescentia minus vel magis humida, quam intolerabilis comitatur pruritus, noctu præcipue infestans. Parva atrorubra livida tubercula, magnitudine nucis avellanæ, solitaria, sed non gregaria, brachia et pedes, interdum totum corpus, occupantia, in quibus pus genuinum nunquam generatur. Spongiosa, inæqualia, sanguinolenta, corrodentia ulcera, tantæ interdum magnitudinis, ut integrum occupent membrum. Alia adhuc ulcera manantia ejusdem indolis, ad taleolos pedum internos interdum observantur. Ulcera corrodentia, cancroso quæ palatum corripunt, tonsillas et uvulam, reliquaque postrosum in faucibus sita exedunt. Membra contracta, imprimis poplites, et interdum omnia membra. Dolores artbritici sæpe in unico genu, interdum in ambobus, vel in toto corpore hærentes, vel vagi, vel ad articulos residentes. Hydrops sæpius pedibus solum, nonnunquam vero abdomine et pectore inhabitat, qui maculis scorbuticis jam comitatur, jam his notis caret. Grandes spongiosæ excrescentiæ,*

caput

caput infantis magnitudine referentes. Colicæ quædam species, quæ morbo scorbuti nomen imposuisse fertur, hodie non adeo vulgaris. His, præter multa alia symptomata, annumerari meretur factor ex ægrotantibus teterrimus.)*

HÆC sunt symptomata, quæ celeberrimus auctor morbo tribuit, qui causas mali in genere easdem ac nos agnoscens, illas in specie applicat diversis morbi hujus speciebus, quas acrimoniarum diversam naturam rimando creat, quod opus, quantæ sit sagacitatis, industriæ, et pretii unicuique patebit, qui reputare vult, quam difficile est, quamque utile, et in praxi medica magni momenti, talem de hoc morbo et congeneribus tenere doctrinam, atque methodum suam medendi ad normas inde fluentes instituere. Interea pace clarissimi hujus viri monere mihi liceat, quod consultius egisse videatur, si morbum pro scorbutico non habuisset. Inde enim fit, ut characteres in scorbutico maxime evidentes, putredinem gingivarum putæ, et maculas lividas, quos ab initio huic Norvegorum morbo adscribit, veritatis amore adductus eosdem illi adesse statim neget; ut taceam

*) Dr. H. Möllers Forsøg til det norske Folks Sundhed. I det Kongel. norske Vidensk. Selsk. Skrifter. Kbh. 1784.

eam hæmorrhagias, contracta membra, dolores Arthricos, Hydropes, et Colicam, quæ omnia rarissime, ut hujus morbi symptomata, in Norvegia observantur, quamvis morborum tales dari posse complicationes non inficias eam.*)

§. 2.

SECUNDAS ab hoc tenet, vir summe reverendus, Norvegiæ gloria, et orbis literati decus, Professor doctissimus atque eruditissimus H. Ström, qui decem observationes de Elephantiasi Norvegorum, solita sua modestia, sinceritate et industria, captas et concinnatas nobiscum communicavit. Ex his varia morbi signa characteristica colligere possumus, quæ eadem sent, ac illa, de quibus capite primo paulo fufius egi.**)

§. 3.

INCIDIT, præter insignes hos auctores, in manus meas libellus de Elephantiasi Norvegorum, à Dno. Th. B. Krog conscriptus, qui morbi consuetas notas, et præterea nihil attentione

B

dig-

*) Dr. Möllers Forsøg til det norske Folks Sundhed. I det Kongl. norske Vidensk. Selsk. Skrifter. Bbh. 784.

**) Anmærkninger til Oplysning om den ved Sæksysterne i Norge gængse Spedalskhed, ibid.

dignum continet, unde ejus verba et sententias adferre supersedeo.*)

§. 4.

Hos scriptores Norvegos sequitur Clariss. Ant. Rol. Martinus, qui testis morbi hujus oculatus, sequentia linguâ svecâ in publicum edidit.

Lepra in Norvegia adeo est vulgaris, ut summus regnorum Gubernator pro tali morbo correptis ad, supremum usque diem alendis publica Nosocomia instaurare necesse duxerit. Numerus talium Leproforum in Nosocomio Nidrosiensi, Romsdalsensi et Bergensi ad centum et quadraginta excrescit. Leprosus sequentibus notis vulgo dignoscitur. In carne tubercula, lentibus non prorsus dissimilia, sentiuntur, quæ rarius suppurant; cutis maculis lividis conspersa corrugatur, sæpiusque in squamas dissolvitur; corpus marcescit; facies pallescit et alteratur, ciliaque decidunt. Cum mihi in Nosocomio Bergensi multos Leprosos conspiciere contingeret, cursui morbi cognoscendo tantam navavi operam, ut quadam tenus jam valeam ejus stadia determinare.

Stadium primum. Circa prima morbi hujus initia ægrotans paulatim marcescere, et contabescere

*) Betragtning over den i Norge, især Bergens og Trundhiems Stifter stærkt græssende Spedalskhed Sygdom. Bergen 776.

cere incipit. Intera facies fit pallida et cachectica, sed simul, cute paululum inflatâ, et intus tactu tuberosa, splendet. Hoc symptoma in fronte, superciliis, genis, collo, brachiis et femoribus præcipue observavi. In unico adhuc animadverti nonnullas elatas et inæquales maculas, vitiliginibus non multum dissimiles. Tubercula jam memorata in tenella ætate non adeo elevantur, ut in adultioribus, in quibus glandes magnitudine sæpius æmulantur. Rarius ista recte suppurant, sed manent maximam partem dura, vel replentur sanguine, interdum etiam materia ichorosa. In aliis evenit, ut puris aliquid in iis generetur, tunc id loci tuberculum remanet plumbei coloris, cutisque circumjacens simul fit rugosa, vel squamis referta. Tanquam tuberculum, uti dictum est, interdum suppuret, pus tamen, nec adjacentia corrodit, nec ullum pruritum excitat.

Stadio secundo tubercula per universum corpus, imo ad plantas usque pedum, se extendunt; illa in ætate provectis in membrana oculi conjunctiva observavi.

Quidam oedemate pedum jam afficiuntur. Alii ab hoc malo sunt immunes, imprimis qui teneræ sunt structuræ. Cilia hoc stadio ex pleris-

que excidunt, sed capilli non ita. Palpebræ, labia, et palatum pallescunt.

*Stadio tertio integer nasus quasi contrahitur, adeoque arcte ad faciem comprimitur, ut ægro-
tantes inde rauci et sibilantes difficulter spiritum
ducant. Tubercula ad nares et labia in tantum
disrumpuntur, ut ipsa cævo excidere putetur, li-
cet communissime ichore et materia sangvinolenta
sint repleta.*

*Priusquam morbus circa hoc stadium perve-
niat, anni plerumque duodecim vel quatuordecim
excurrunt. Heu! exempla ærumnarum tristissima,
quibus mortales subiecti esse possunt. In conventi-
bus bi miselli collapsas nares et rimosa labia oc-
cultare affectant.*)*

§. 5.

ITA hic auctor de morbo Norvegorum le-
proso loquitur, additque in Svecia eundem
grassari, quod vir clarissimus, Doctor et Asses-
sor Regii Collegii medici J. L. Odhelius etiam
testatur. Ille enim in regio Nosocomio sera-
phimorum per duodecim annos medicus, in-
signi

*) Anmärkningar öfver den så kallade spitelska Fäst og Boskap
i Norrige. I Kongl. Svenskt. Vetensk. Handl. Åar 760.
4de Quart.

signi experientia edoctus, de Lepra hæc breviter monet. *Nullum fere malum hoc morbo tædioſius eſt medico. Immedicabilis ad hæc ſaltem tempora vires agrotantis beſtica febre enervat, mortemque ei per parvos, ſed atroces accelerat gradus, remediis nihil efficientibus, quotquot adverſus eum adbibere conamur.*)* Nec ſine inſigni culpa, dum fermo eſt de doctis in Svecia de hoc morbo auctori- bus, reticeri poteſt Eques perilluſtris, experi- entiffimus æque ac doctiſſimus Archiater de Bæck. Hic epiſtola eleganter conſcripta de Le- præ Islandorum ad virum ſumme venerabilem Dn. Unonem de Troil hunc morbum pro vera habet Elephantiaſi. In iis autem quæ ad descrip- tionem ejus ſtriſtiſſime pertinent Dni. Jonæ Pe- tri filii ſententiam confirmat, unde verba illius adferre vix opus eſt.**)

§. 6.

Non modo autem in Norvegia et Svecia hunc morbum habitare obſervatum eſt, verum etiam in Islandia inque inſulis Færoenſibus. De ſcorbuto Islandorum, qui Elephantiaſis potius nominari meretur, eruditus medicinæ Studio- ſus Jonas Peterſen tractatum concinnavit, in

B 3

quo

*) Nån om Lepra. Kongl. Svensk. Vetensk. Akad. Handling. År 774. 3die Quart.

**) Reſa til, Island 1772. 24 Bref.

quo morbi ejus causas, symptomata, prognosin et remedia exponit, casusque adjicit. Ex his ea tantum excerpere sufficiat, quibus opus est ut intelligatur, morbum Islandorum leprosum eundem esse ac illum, quem delineandum suscepimus.

§. 7.

MORBI hujus signa dividit clarissimus vir primum in antecedentia et consequentia. Illa morbum per longum sat tempus prælagiunt, hæc eum jam præsentem comitantur. Signa morbum prælagientia sunt: Spiritus oris fætens, appetitus multus et perversus, sitis insignis, segnities in quibusdam ægrotis, et somnolentia, Dyspnæa, si per acclivia gressum accelerant; nec plenum in poplitibus robur habere videntur, quamvis de eo ab initio non conquerantur. Quando aëri frigido se exponunt, facies glaucum et plumbeum contrahit colorem. Omnes sensus, excepto auditu, hebescent. Crines in superciliis imprimis, ac in mento barba rarescunt. Cutis expansa splendescit, quasi sebo esset illita. Pauci scabiem ubivis in corpore patiuntur.

§. 8.

SIGNA morbum concomitantia diversa sunt pro diversis ejus stadiis. Hæc vero tria statuit

Auc-

Auctor. Primum ab initio morbi extenditur usque dum tumores et ulcera, vel tubercula cutanea apparent. Secundum ab hoc tempore usque dum ista phænomena exasperata erumpunt. Tertium ab hinc ad mortem usque durat.

§. 9.

STADIUM morbi primum duplici modo incipit. In quibusdam subjectis scabies flava, viridis, tres vel quatuor annos perdurans apparet, quæ pedes et manus plerumque occupat. Interea ægrotus, uti tabidus, marcescit, color faciei fit jam pallidus, cachecticus, jam pallide lividus vel glaucus, cutis vero semper splendescit. Postea scabie decidente, tubercula digiti transversa, $\frac{1}{3}$ ad $\frac{3}{4}$ per diametrum ampla, pedes, femora, brachia et faciem deturpant. Animadvertitur simul tumor cum doloribus, ubicunque tubercula sunt, qui sinistrum femur sæpius occupantes, in lecto ob calorem augentur adeo, ut sensum parti affectæ adimant, et, ut quidam ægrotantes se exprimunt, intime juxta ossa hæreant. Anima ægre ducitur, vox alteratur.

ALII à scabie immunes, sed plethorici, in facie livescunt, sensimque tumescunt. Hi tumores vel omnia supra memorata loca occu-

pant, vel ex illis nonnulla, uti pedes et faciem, vel faciem et manus, vel interdum frontem et supercilia. Unacum his tumoribus tubercula supra dictis paulo majora, proveniunt, anima fatet, noctuque humor rubicundus è naribus manat, qui conglabatur iterum, licet eximatur. Sequenti que nocte refluit, atque respirationem impedit. Hac tempestate interdum erumpunt ulcera ampla et profunda, è quibus ichor in ægrotorum salutem continuo promanat, nam si consolidantur hæc ulcera, vel statim graviore vi erumpunt, vel eo citius mors pulsat tabernam.

§. 10.

STADIO secundo memorata prius symptomata magis innotescunt et augescunt. Tubercula in medio elevata livida, cum effluxu materiæ ichorosæ, ab initio non corrosivæ, aperiuntur. Inter tubercula cutis maculis albicantibus squamosis notatur. Istæ vix totum corpus simul occupant, locumque inter scapulas quadratum intactum relinquunt. Respirationis difficultas vocem loquelamque impedit, unde ob sonum vel à cæcis dignoscuntur ægri, gingivæ tamen satis sunt robustæ. Pedes noctu valde dolent, imprimis in sanguineis, et sanguineo cholericis, si homines hujus temperamenti, quod raro fit, morbo isto afficiuntur. Pedes jam oedemate affligun-

affliguntur. Pili decidunt, et ob tumorem rarescere videntur. In nonnullis cutis sine ingentibus tuberculis exasperatur, sed eorum loco insignia et tetra contrahit ulcera cum fissuris, quæ graviter fætent. Scabies ex flavo viridis tumoribus et rhagadibus manus obsidet, quæ squamas imbricatim positas refert, ut manus quasi pedes aquilarum appareant.

§. II.

TERTIO morbi stadio D. Martinum sequitur noster auctor, additque materiam, quæ nunc de corpore fluit, tantæ esse acrimoniæ, ut non modo corpus verum etiam vestimenta ægrotantis exedat. *) Cæterum durationem morbi ad quatuordecim annos prolongat, eumque primo et secundo stadio non esse contagiosum putat, tertio vero de contagiosa ejus natura non dubitat.

B 5

§. II.

*) Centenos et ultra mihi videre contigit Elephantiacos dum in Islandia vixi, fidemque auctori in multis eo firmiorem habere possum, cum ex allatis pleraque ipse viderim. Sed vidi adhuc in Prædio Gardis Leprosum, ex quo membra, digiti nimirum manuum pedumque articulatim excidebant, unde miror quare eruditus noster Peterfen de diro hoc morbi symptomate tacuerit.

§. 12.

AUCTOR noster supponit illam humorum corruptionem, de qua jam agitur, produci vel ab acrimonia alcalina, vel acida. Illam adesse judicat cum sanguis è vena ægrotantis missus est late ruber, tener valdeque fluidus, qui non, ut vulgo fit, coagulatur sed statim foetet. Hanc vero prædominare censet, si missus sanguis sit ater, vel ex atro ruber, qui nihil serè dimittit. Hunc interdum, illum vero sæpiissime in Leprosis observari dicit.

§. 13.

QUOD causas morbum dividit in hæreditarium et acquisitum: hæreditarius in eo ab acquisito est diversus, quod tenerrimæ ætati nec parcat, nec tricesimum annum transire sinat. Cæterum in causis morbi occasionalibus enumerat aërem, non modo frigidum et humidum, verum etiam torridum, tepidum et ventosum; adjungit denique vilem, perversamque diætam, vivendique rationem.*)

§. 14.

Huic non inepte addi potest viri doctissimi J. G. Königii Elephantiaseos Islandorum brevis delineatio, quam Leporam sporadicam vocat

[*) Afhandling om den Islandske Skjærbing. Sørø 769.

vocat et his verbis describit. *Quantum ego meis ex observatis conicere possum, præcipuam morbi indolem in stagnatione et induratione humorum in cutaneis vasis Lymphaticis quærendam esse credo, originemque initio affectæ membranæ pituitariæ debere, indeque ulterius in cutem propagari. Prima, anno antequam apparuerit, uno alteroque, morbi adventuri signa è singulari nec imitabili vocis sono desumunt periti. In cute sequentur mox tubera absque inflammatione, adeoque nullo, nisi gelu affecta. Omnes ejusmodi ægrotorum sensus imprimis vero tactus bebetantur. Ulcera vix sanabilia inflammationes membranæ pituitariæ, cui plerumque pleuræ adjungitur, morbum et vitam terminant.*)*

§. 15.

Dixi supra Elephantiasin in Insulis etiam Færöensibus observatam fuisse, quod viri multum reverendi Præpositi L. J. Debes relatio ita testatur. *Elephantiasis in insulis Færöensibus frequens, ex victu et aëre, has habet notas. Facies et artus hic fere ubique foedantur sædum in modum. Rauci sunt hoc morbo affecti, et per nares vocem emittentes. Vere et autumnno invalescens morbus*
pluri-

*) Dissertatio Inaugur. de Remed. Indigen. Efficacia.

plurimos enecat.)* Sed his temporibus morbum ibi valde exolescere confirmarunt mihi multi integræ fidei juvenes, qvi in his insulis nati, una mecum in Academia nostra Hafniensi literis incumbebant.

§. 16.

JAM Septentrionalis Europæ præcipuas morbi hujus descriptiones audivimus. Foret igitur à scopo nostro haud alienum, non nullos in reliqua hac mundi plaga super eodem negotio medicos recensere, ut elucescat eundem morbum in aliis quoque regionibus observatum esse. Ita cum illo, quem delineavimus, apprime convenit, quem Clarissimus inter Gallos medicus Reymond in propria praxi tractavit; et cui etiam nomen Elephantiaseos docte vindicavit, sequentia autem Symptomata observavit. *Vox, inquit, rauca et sepulcralis, facies tuberculis crustosis, densis, fissis obsita, in reliquo corpore similia tubercula, sanguinem interdum fundentia, nares in suprema nasi parte obstructæ, supercilia inflata et pilis orbata, cutis fissa, et dolores ardentes.**)* Siquis plures hujus nationis scriptores de hac re desiderat, adeat, quæso, illustrissimos viros,

*) *Sarsernis Beskrivelse. Kbh. 1673.*

**) *Traité de l'Elephantiasis. Lauf, 1767.*

viros, A. C. Lorry, et F. B. Sauvages. Mihi enim pro instituti ratione sufficiat, unicum illum virum nominare, qui morbum et vidit ipse, et tractavit.

§. 17.

NEC Germaniæ defunt magni viri, qui Elephantiasin secundum autopsiam descripserunt, equibus unum, Celeberrimum nempe R. A. Vogel adferens lectori satisfaciam, qui morbum his characteribus insignivit. *Initium fit à crebris maculis, tertio genere impetignis (§. 703) quæ aliquandiu ante temporibus certis et sunt, et desinunt; aut certe à vitiliginosis quibusdam defædationibus aliquamdiu pariter prægressis. Posthæc sensim lenteque summa cutis, primum in facie et collo, quod plerumque fit, vel in alia parte corporis, ac deinceps in pluribus, asperitudine quadam et Scabritie pruriente non solum afficitur, sed et inter maculas diversæ magnitudinis, partim rubentes, partim fuscas, tubercula rubra oriuntur, orbicularis et convexæ figuræ, rubra vel fusca, quæ sensim elewantur et vebementer dolent. Exulcerantur nunc quoque, utut diversis temporibus, tum hæc tubercula, tum istæ maculæ, sic, ut ex illis purulentus aliquis humor, idemque summe foetidus, ex his autem magis sanies exeat. Exulceratio utroque quam lentissime procedit,*
humor.

*humorque putidus super tuberculis in crustas duras atque densas abit, super maculis vero in squamas. Idemque sub crustis, antequam decidunt, diu hæret, ipsasque sibi subiectas partes erodit. Inter hæc autem os, suræ, pedes, manusque intumescunt, et corpus lente macrescit. Accedunt malarum rubor, asphritudo, et exculceratio earundem scabiosa, somnus turbulentus, vigiliæ, anorexia. Et, ubi jam vetus morbus est, atque unum, vel alterum, imo plures annos duravit, oppressio pectoris, dolores graves in artubus, stupor atque rigor crurum, alvi profluvium, tandemque febris, quæ facile tot malis obrutum hominem consumit et interimit.)** Apprime hanc descriptionem, quoad characteres morbi essentiæles, convenire cum illa, quam superiore capite ex propria observatione depromsi, nemo non videt.

§. 18.

QUÆ in aliis Europæ regionibus, aliisque orbis partibus nostro ævo circa Elephantiasin et Leporam observata et descripta sunt, vel cum illa, de qua nunc agitur, Elephantiasi minus conveniunt, vel, quoad morbi ulteriorem delineationem tam parvam lucem adferunt, ut
vix

*) Prælect. Acad. de cognosc. et cur. præc. C. H. Af. sect. Cap. de Elephantiasi.

vix fit operæ pretium in singulis auctoribus adducendis tempus terere. Sicco adeoque pede præterire liceat doctum Cl. Schillingii Opusculum.*) Schmiedelii et Voigtii Dissertationem**), et multa alia.

Caput tertium.

*Varia eruditorum judicia circa Elephantiasin
Norvegorum endemicam, ejusque
naturam.*

§. I.

DE rebus incertis, quarum naturam, modum et veram indolem mortalibus detegere adhuc non contigit, tritum illud et usitatum valet proverbium: *Tot sententiæ, quot capita.* Idem etiam valet de eruditorum super Elephantiasi Norvegis endemica, judiciis. Harum autem sententiarum diversitati ansam præ cæteris præbere videntur, diversa eum sanandi conamina diversusque istorum successus. Quippe quod unum juvit, alteri eadem labe affecto nullum præ-

*) De Lepra Commentationes. L. B. 1778.

**) In Collect. Haller, Dissert. med. pract. Vol. VI. pag. 63.

præstitit Solamen. Unde incerta et vacillans ad hunc usque diem mansit medendi methodus. Cum vero meum propositum postulet, ut quorundam saltem auctorum opiniones adferam et ad examen revocem, liceat diversas illas sententias, quotquot colligere potui, in quinque classes dispescere, quas enumerando illum ordinem seqvar, ut initium faciens à minus probabilibus, ad probabiliores progrediar.

§. 2.

SECUNDUM hunc ordinem primas merentur, qui putant vermes solummodo esse Elephantiaeos septentrionalium efficientem causam. Hi suam hypothesein nullis argumentis veræ experientiæ superstructis confirmant. Nec attentissimis naturæ scrutatoribus *) tale quid videre contigit. Unde sine ulteriore examine eos dimittere fas sit.

§. 3.

SUNT adhuc alii qui ab invicem maxime dissentiunt. *Hi* enim morbum dicunt esse mere venereum. *Illi* autem mere scorbuticum. *Priores* silentio non sunt prætereundi, quasi attentione indigni essent, utcunque parum cum vera

*) H. Strøms Anmærninger om den Norske Spedalskhed. I det Kongl. Norske Vidensk. Selsk. Skrift. Bbh. 784.

vera Theoria vel sana praxi consentiat ista doctrina. Fieri tamen potest, ut sint, qui fidem ipsis præbeant, imprimis illi, qui præjudicio auctoritatis sese decipi patiuntur.

§. 4.

ATTENDANT autem dictæ sententiæ patroni ad sequens argumentum. Ponamus morbum esse mere syphiliticum; qui sit, ut iste nec signa luis pathognomonica ostendat, ut statim elulescet, nec magno ejus antidoto cedat? Tuto enim negare audeo cum experientissimo D. Odhelio, et Professore celeberrimo Murray; Elephantiasin unquam solis mercurialibus fuisse sanatam, quod etiam experientissimus D. D. Arbo et multi alii testantur, quanquam vir doctissimus D. H. Mullerus, qui morbum alias pro scorbuto habet, *) Ill. Lieutaud **) et nonnulli alii usum hujus remedii extollant, quod forte intelligi volunt de sic dicta methodo mixta; tunc enim mercurius aliquid boni interdum præstare potest; simpliciter autem adhibitus, morbum tantummodo palliat, quo brevi post re-
verso, ægrotus insanabilis perit. Erit igitur ad hanc opinionem verbis immortalis Thomæ

C

Bar-

*) l. c.

**) In Synops. Prax. med. T. I. Artic. de Lepre.

Bartholini respondendum, dum sermo ei est de scorbuto Islandorum. *Quia symptomata quædam, inquit, cum lue venerea convenire videntur, Ditlemarus Blefkenius in Islandiæ descriptione, sive odio gentis, sive ignorantia rerum, luem veneream ibidem grassari minus vere scribit.*)* Horum autem verborum veritatem historia confirmat: lues enim post annum 1750, diro omine invec̃ta, in Islandia primum aoparuit.

§. 5.

Si e contrario morbus esset mere Scorbuticus, non modo Symptomata Scorbuti consveta adesse deberent, verum etiam per sola antiscorbutica, ægroti in integrum cum sanitate reconciliarentur, quod nunquam fieri tristicis docuit experientia. Multi tamen ineptum nomen non modo retinent, verum etiam doctrinam suam de Elephantiasi Norvegorum minus veræ opinioni superstruunt, quibus iterum accensendus est laudatus D. D. Möller. Hic licet multa pulchre et veritati consona scripserit, ob retentum tamen scorbuti nomen, et theoremata illi innixa, cum grano salis est legendus.**)

Doctum

*) Med. Dan. Domest. Dissert. 4ta.

**) l. c.

Doctum autem virum et alios qui ita sentiunt, facile in hoc discrimen inducere potuerunt sua auctoritate viri in Europa maximæ famæ, qui Elephantiasin summum scorbuti gradum esse statuerunt, de quibus perillustis Archiater de Bæck ita sensit. *Senito quoque, quod Etmüllerus, æque ac insignis Boerbavius et famigeratus ejus, Commentator Dominus Baro de Swieten consultius egissent, si Elephantiasin pro summo scorbuti gradu nec habuissent, nec hos morbos principio, cursu, natura, et remediis prorsus dissimiles confudissent, quod Dnus. Petersen autopta et judex hujus in Islandia morbi in exiguo, sed bene concinnato, tractatu suo attingere videtur.*)* Non ideo diffiteor sententiæ hujus fautores propius ad veritatem accedere, quam priores, qui malum esse syphiliticum contendunt, quod auctoritate modo laudati magni viri Th. Bartholini confirmo. Serio enim monet iste, morbos in septentrione aliis gentibus nobiscum communes, scorbuto, uti morbo inquilino, esse adsociatos, atque in his sanandis ejus semper habendam esse rationem **), quod de Elephantiasi Norvegorum endemica valere quoque videtur.

*) *Troils Nesa til Island. Åar 1772. Pag. 313.*

**) *Med. Danor. Domest, Dissert, Tertia.*

§. 6.

VENIO jam ad illa eruditorum de hoc morbo judicia, quæ longe majorem probabilitatis speciem præ se ferunt, quam allata duo. Sed gravitas argumentorum non æqui est ponderis, ut statim elucescet. Dantur nempe qui morbum putant esse venereo-scorbuticum. Dantur alii qui illum ad Lepram Arabum, sive Elephantiasin Græcorum pertinere autumant.

§. 7.

SPECIOSA multum, et à vero non adeo aberrans illorum videtur esse opinio, qui fatalem morbum ex lue venerea et scorbuto prognatum esse volunt. Symptomatum enim prodromus, qui morbum vulgo comitatur, in hybrido tali monstro facile expectari potest. Præterea gravissima morbi Symptomata quam plurima, ut et medendi difficultas, ex hac complicatione quodam modo explicari possunt. Sed non desunt rationes satis ponderosæ, quæ huic opinioni justo minus favent. Syphilis nempe Genitalia ab initio sæpissime infestat, ulcusculis, phimosis et paraphimosis, tumoribusque testiculorum venereis, ficubus, et ulceribus; in morbo autem quem delineavimus, sæpissime si non semper desunt, quod beneficio commixti scorbuti adscribere non ausim, sed diversæ potius morbo-

morborum naturæ. Syphilis systemati lymphatico, et glandulis inguinalibus, axillaribus, parotidibus, et aliis majoris notæ præcipue inhabitat. Morbus vero de quo agimus musculos potius vexat. Syphiliticum quidem malum interdum quoque ulcera cutanea creat; plerumque tamen magis superficialia quam profunda, nec ichoris acerrimi tam plena, uti in morbo quem describimus. Homo malo, de quo agitur, infectus, cum sano vivere et commercium naturale exercere potest, sine evidenti noxa alterius, quod syphiliticis vix succederet. An admixtus scorbutus causa est hujus immunitatis à contagio? Credat Judæus Apella. Nam nullum aliud observatum est exemplum, morbum venereum, ullâ complicatione usque adeo mutatum esse, ut dira sua dote sanos inficiendi orbaretur.

§. 8.

PRÆTEREA contendunt, qui memoratam hanc opinionem amant, morbum sanari posse, si antiscorbuticis primum adhibitis, mercurialia in usum vocentur. Hoc autem vix, ac ne vix quidem, experientia nititur. Neque iste error practicus amplius est fovendus. Nam si verum esset, morbum hac methodo tolli, iste profecto non tantum negotii, ut vulgo fit, prac-

ticis in Norvegia medicis faceſſeret. Quotus enim quiſque eſt, qui huic malo mederi callet? Pauci, qui minus infelices ſunt, ſuam methodum in arcanis habent. Vidi ruricolam morbo detentum, quem methodo illa antiſcorbutico-antivenerea ſanare tentaverat quidam, non infimæ notæ in Norvegia medicus, eo cum ſucceſſu, ut poſt ſalivationem aliquod tempus ſublevatus apparuerit ægrotus. Sed elapſis tribus menſibus, meum imploravit auxilium, omnibus fere ſymptomatibus, morbo propriis afflictuſ. Aſthma ad huc grave humidum reſpirationem ſupprimebat, oris vero interiora ut et fauces, carnem elixam referebant.

§. 9.

UT brevis ſim, quantum ex viris publici officii fide digniſſimis didici, uſus mercurialium in Elephantiaſi endemica nunquam vere juvat, ſed potius ingenter nocet. Temporarium fugaciſſimumque levamen a ſalivatione nihil probare, non eſt, quod moneam.

§. 10.

CADIT etiam illorum opinio, qui putant morbum hunc eſſe venereoſcorbuticum, ſi conſideremus, quam abſonum ſit, hanc complicationem tantum modo in ultimis borealibus terris dari,

dari, non vero in iis regionibus quæ tepidiore climate fruuntur, parentes licet, lues nimirum; et scorbutus ibi occurrant. Rationem hujus rei reddere nequeo. Verum e contrario expertus fateor, inter septingentos circiter ægrotantes, qui in Norvegia consilium meum petebant, non nisi duos me observasse venereos, et unicum tantum scorbuticum, sed Elephantiacos quatuordecim.

§. II.

Ex his quæ jam dixi, elucescit, quot et quam graves sint illæ rationes, quæ dissuadent ab accipienda illorum opinione, qui statuunt morbum simul e malo syphilitico et scorbuto esse compositum. At vero inficias ire nolo, quod interdum reapse dari possit combinatio luis venereæ cum Elephantiasi Norvegorum endemica. Quod tamen rarius evenire opinor.

§. 13.

SIN igitur memoratæ medicorum Sententiæ de hujus morbi natura tam infirmo stent talo, ut nulla earum pro sufficiente et adæquata accipi possit, hoc unicum restat, ut trutinemus illorum opinionem, qui morbum statuunt esse veram Arabum Lepram vel Græcorum Elephantiasin. Non dubito, sat gravia nos allaturos esse argumenta, quibus evincatur, hanc

opinionem præ reliquis esse accipiendam, morbumque nequidquam pro novo genere habendum.

Caput quartum.

Nonnullæ Elephantiaſeos descriptiones, ex antiquorum Medicorum ſcriptis deſuntæ, cum antecedentibus comparatæ, adjectis concluſionibus.

§. I.

CUM jam dijudicanda ſit illorem opinio, qui morbum hunc Norvegorum pro Elephantiaſi habent, id nobis agendum eſt, ut nonnullos adducamus ex antiquis medicis, eorumque verba circa Elephantiaſin audiamus. Comparatis enim his delineationibus cum illa, quam ego ex autopſia dedi, cumque illis quas alii Medici ſeptentrionales, in capite ſecundo allati, dederunt, apparebit, quanta inter characteres Elephantiaſeos ab antiquis auctoribus deſcriptæ, & morbi, de quo agimus, detur convenientia.

§. 2.

PRÆTERMISSO patre Hippocrate, qui Elephantiascos vix facit mentionem, secundum audiamus Artis medicæ principem, Aretæum nempe Cappadocem. Pulcrum iste nec minus prolixam memorati morbi descriptionem nobis reliquit summus vir sequentibus verbis. *Magnus est quidem potentia morbus, ad mortem enim inferendam est omnium longe efficacissimus. Est etiam visu fædus, et in omnibus terribilis, quem admodum et elephas bellua. Inevitabilem quoque affert interitum: Quandoquidem à mortis causa ducit originem. Ea, ingenti caloris frigiditas est non exigua, vel potius congelatio, ceu quedam sæva hyems: quum aquam in nivem, aut etiam grandinem, aut crystallum, aut glaciem convertit. Hæc est communis mortis ac morbi causa. Verum tamen neque ullam insignem conjecturam morbi principium obtinet: neque ulla nova atque inusitata labes hominem incessit. Neque in corporis summis partibus repræsentatur, ut protinus videre quis possit, et incipienti malo resistere. Sed in visceribus (tanquam domo Plutonis) delitescens ignis jam succenditur; internorumque victor, rursum in superficie aliquando exardescit. Plerumque sane à facie hæc pestis incipiens, tanquam ignis de specula procul conspicuus effulget: Nonnullis vero ab extrema cubiti curvatura, à genu,*

à manuum pedumque articulis. Idcirco autem hujusmodi hominum salus desperata est, quoniam medicus ad morbi debilissima iuitia artem non adhibet, negligens, et ægrotantium calamitatis ignarus. Tardi enim sunt, ut ab aliqua levi et vulgari causa, somniculosi, quieti, sicca alvo. Hæc etiam sanis baud valde inusitata sunt. In morbi autem crementis respiratio grave olet ob interni spiritus exhalationem. Hujusce rei aër, aut quippiam aliud extrinsecum, causam præbere videtur. Lotium crassum est, album, turbidum, quale jumentum reddit. Venerem appetunt, crudorum et incoëtorum distributio fit: Neque istorum est sensus et meditatio (neque enim concoxerint, nec ne, percipiunt) et cruditas hæc concoëctioni similis est. Nam ipsis baud frequens est, in optimum aut familiare concoëctio, digestio vero facile fit, tanquam in suum ipsius alimentum raptim morbo attrahente. Propterea valde siccitate inferioris ventris laborant. Tumores alii juxta alios exurgunt, nondum quidem continui, sed crassi et asperi: Et interstitium tumorum discissum est, ut Elephanis corium. Venæ latæ sunt, non sanguinis redundantia, sed cutis crassitudine. Non multo post autem et sedes declarat, universo corpore in æqualem tumorem distento. Pili in omni corpore præmoriuntur, in manibus, femoribus, tibiis. Item in pube, in mento rari sunt: Rara quoque in capite

*pit caesaries. Quod vero majus est, intempestivi
 cani et calvitium affatim subitoque ingruunt. Non
 multo post autem pubes et mentum glabrescunt.
 Quod si qui pauci pili remaneant, hi magis de-
 decent, quam qui defluxerunt. Capiti cutis alti-
 us rescissa est: Rimae autem frequentes, profun-
 dae, asperae sunt. Tumores in facie duri, acuti:
 Nonnunquam fastigio albido, basi viridior: Pul-
 sus pusilli, graves, tardi, tanquam per canum vix
 se moventes. Venae temporum dissentae sunt, et
 sub lingua: Ventres biliosi. Lingua grandinosis
 varis exasperatur. Neque inopinabile est, et om-
 ne corpus talibus scatere tuberculis: Quandoqui-
 dem et in victimis, praeuos humores habentibus,
 carnes grandinis plenae sunt. Sin autem valde ab
 intimis partibus erumpet morbus, et in extremitatibus
 apparebit, impetigines summos digitos in-
 festabunt, Genua prurient, pruritusque cum vo-
 luptate scalpetur. Ambit vero impetigo et men-
 tum nonnunquam in orbem. Rubent malae cum
 tumore haud ita magno: Oculi caliginosi, aenei
 coloris sunt. Supercilia prominentia, crassa, gla-
 bra, deorsum versus pondere vergentia: Contractis
 glabellis, eminens tumor insurgit. Color lividus
 aut ater est. Epyscinium vehementer contrahitur,
 ut oculos contegat, quemadmodum irascentibus
 aut leonibus accidit: Unde et leonina haec ægri-
 tudo*

tudo vocatur. Igitur neque leoni, neque elephanto solum verum etiam nocti tenebrose æquales sunt. Sub oculis insurgentia ossa, et nares cum atris tumoribus salebrose, exstantesque sunt. Labiorum prominentia crassa est, pars autem inferior livescit, nasus tumet, dentes non albi sunt, sed nigricare videntur. Aures rubent, admixta nigritia, obstructæ, elephantica, ut grandiores consveto esse videantur. Ulcera in basi aurium sunt: Sanies defluit, pruriunt. Totum corpus rugis asperis exaratur: Nec non et alte descendunt scissuræ, veluti nigri in corio sulci. Propterea et elephas huic morbo nomen est. Plantarum et calcaneorum usque ad medios digitos fissuræ sunt. Quod si plus augescat malum, tumores malarum, menti, digitorum genuumque ulcerosi fiunt, ulcera fetida sunt, et insanabilia: Alia enim super alia exurgunt, super alia alia mitescunt. Siquidem membra hominem diu morte præveniunt, quoad de corpore excidant nasus, digiti, pedes, genitalia, atque totæ manus. Neque enim hæc labes prius perimit, à turpi vita, sævisque cruciatibus liberans, quam membratim dilaceratus homo fit. At longæva est quemadmodum et elephas animal. Sin autem membrorum recens dolor sit, longe acerbius affligit. Aliter atque aliter paratorum ciborum appetentia est, non obtusa, sed gustatus qualitatis

*litatis expers est : nullaque edendi ac potandi delectatio. Omnia vero ob doloris cruciatum ode-
runt, alimento privatur corpus, rabiosa inest cu-
piditas : spontivæ sunt lassitudines, singulorum
membrorum species hominem gravitate inusitata
premit, quantum libet exigua membra sint. Quin
etiam corpus omnia gravatim fert: Non balneis
delectatur, non illuvie: non cibo, non jejuniis, non
motu, non quiete. Ab omnibus enim morbus
alienus est. Somnus tenuis, vigilia peior, mala
sua cogitans: spirandi vebemens difficultas: suffo-
cationes fiunt ac si lequeo strangulentur. Hoc igitur
pacto nonnulli vitam perdiderunt, inexcitabilem
somnum in mortem dormientes. Itaque, tales cum
sint, quis non aufugiat? Aut quis non averse-
tur, licet filius, aut pater, aut etiam germanus
frater sit? Cum metus est ne, morbus communi-
ceretur.*)*

§. 3.

CLAUDIUS quidem Galenus Leporam et
Elephantiasin tanquam morbos diversos di-
stingvens, hanc ita definit: *Elephas est affectus,
qui cutem crassam atque inæquabilem reddit, livor
adest tum cutis, tum oculorum albis, exeduntur
partes*

*) Libr. 2do. de Caus. et Sign. morb. diuturn. edit. Lugd.
Batav. 1735. cur. Boerh. Pag. 69.

partes manuum ac pedum summæ, è quibus sanies livida ac fætida emanat.)*

§. 4.

CITATIS præstantissimis Auctoribus Græcis, latinos etiam adducamus. Et primo quidem audiamus C. Plinium Secundum. Sic habet vir immortalis:

*Diximus Elephantiasin ante Pompei Magni ætatem non accidisse in Italia, et ipsam à facie sæpius incipientem, in nave primum veluti lentacula. Mox inaréscente per totum corpus, maculosa, variis coloribus et inæqualitate, alibi crassa, alibi tenui, dura alibi, ceu scabie aspera. Ad postremum vero nigrescente, et ad ossa carnes adprimente, intumescens digitis in pedibus manibusque.**)*

§. 5.

SUBJUNGAMUS A. Cornelii Celsi elegantissimam Elephantiaseos descriptionem. Ignotus autem pene in Italia, frequentissimus in quibusdam regionibus is morbus est, quem *Elephantiasin* Græci

*) Ascript Fin. med. Barthol. Sylvan. Salon. Interpr. Venet. edit. spud. Junt. 1625. Fol. 47. H.

**) Hist. nat. Libr. XXVI. Cap. V. edit. Berol. 1766.

*Græci vocant, isque longis annumeratur. Totum corpus afficitur ita, ut ossa quoque vitiari dicantur. Summa pars corporis crebras maculas, crebrosque tumores habet. Rubor harum paulatim in atrum colorem convertitur. Summa cutis inæqualiter crassa, tenuis, dura, mollisque. Quasi squamis quibusdam exasperatur, corpus emacrescit; os, suræ, pedes intumescunt. Ubi vetus morbus est, digiti in manibus pedibusque sub tumore conduntur, febricula oritur, quæ facile tot malis obrutum hominem consumit.)**

§. 6.

JAM quorundam Græciæ et Latii medicorum Elephantiaseos descriptionem attuli; sed operæ erit pretium perinde adducere nonnulla, quæ Arabicæ gentis medici de hoc morbo reliquerunt. Hi enim morbum in natali suo solo viderunt, hinc præ cæteris omnibus sunt audiendi. Notandum tamen est, quod Arabes Leporam nomenclant morbum, quem græci, Latini que scriptores Elephantiasin nuncupant, quodque Elephas Arabum pro diverso ab hoc malo affectu sine dubio est habendus. Summus autem vir Rhazes de morbo, ejusque tribus stadiis ita loquitur:

Hæc

*) Libr. iij. Cap. 25. edit. Lugd. Batav. 1599.

Hæc ægritudo aut est incipiens, aut jam invasit ex corpore aliqua, aut jam pervenit ad ultimum finem eorum. Signa incipientis sunt, raucedo vocis, et stricture anbelitus, et conturbatio albedinis oculorum, et rubedo faciei, et tuberositas ejus, et paucitas pilorum, et subtilitas eorum, et casus eorum.

Secundum stadium ita describit:

Cum vero hæc ægritudo invadit corpus, et fortior fit raucedo, et facies tuberosa, et curvantur digiti, et deturpatur forma, et spasmantur juncturae, et tuberosæ sunt Juncturae, tunc hæc cura, quam diximus, convenit ei, et non additur.

De tertio stadio ita habet:

*Quando aut ulceratur corpus, et currit virus, et fætet corpus, tunc cura ejus est, etc.)**

§. 7.

POPULARIS huic, Princeps et philosophus, Avicenna multis, nervosisque verbis morbum hunc describit, ejusque signa explanat. Hæc quanquam scopo meo paulo uberiora sint, in compendium tamen illa redigere vereor, ne quid pulcre dictum, magnique momenti, omitatur. Veniam me igitur obtinere spero, quod singu-

*) Libr. Imo. divis. Cap. 120. Edit. Basil. 1544.

singula ejus verba sequenti modo adferam. Quando incipit Lepra, incipit color fieri rubeus, tendens ad nigredinem. Et apparet in oculis obfuscatio ad rubedinem declivis: Et apparet in anbelitu stricture, et in voce raucedo, causa nocuementi pulmonis, et cannae ejus. Et multitudo in sternutatione: Et apparet in naso gauetu *) et fortasse fit stricture in naribus et cassamu: **) et incipiunt capilli in subtilitatem, et paucitatem pervenire, et apparent venae in pectore, et parte faciei. Et est odor corporis, et proprie in sudore, et odor anbelitus ad factorem declivis. Et apparent mores melancholici, et mali, et dolorosi. Et multiplicantur in somno somnia melancholica. Et sentit in somno quasi super corpus suum sit gravedo maxima: Deinde apparet sparsio in capillis, et casus in eis ex toto, proprie in pilis, qui sunt in facie et partibus ejus. Et quandoque dislocatur locus pilorum, et finduntur ungues. Et incipit forma fieri fæda, et facies fit terribilis, et color denigratur. Et incipit sanguis congelari in juncturis, et putrescit. Et additur constrictione anbelitus, donec pervenit ad difficultatem vehementem, et dispniam magnam. Et pervenit vox in fine raucedinis. Et ingrossantur labia et denigrantur. Et apparet super corpus additio glandulosa, similis animali, quod graece nominatur sotos. De-

D

inde

*) Locutio resonnans in naso.

**) Oppilatio in naso et privatio olfactus.

inde incipit corpus ulcerari, quando Lepra est non quiescens. Et corroditur cartilago nasi, deinde cadunt nasus, et extremitates. Et currit virus fœtens. Et redit vox ad occultationem, et tunc jam non remanent pili, et denigratur color valde. Et pulsus quidem leprosi est debilis propter debilitatem virtutis, et paucitatem necessitatis, cum agritudo sit frigida et tarda, non velox propter debilitatem frigoris, et sit necessaria spissitudo, cum non sit velocitas, neque magnitudo.)*

§. 8.

At vero iterum relegens eximium Gruneri opus, *Antiquitates morborum* dictum, non possum mihi temperare, quin transcribam succinctam Lepræ Arabum delineationem, ab illustri viro ex optimorum arabicæ gentis medicorum monumentis compilatam. Sunt nempe illius mali signa potiora: *auricule attenuatio, fœtidissimus faciei sudor, oris inflatio cum magna et valida rubedine, pectoris frigus tantum, ut moveri nesciant, anhelitus striclura, rauco vocis aut subtiliatio, cutis asperitas, alteratio coloris, et offuscatio albedinis oculorum, nodi et vestigia in corpore dura et lapidosa. Ingrossantur digiti, et indurantur genua, fit pustulatio superficiei corporis, paucitas capillorum, et tenuitas et depilatio ipsorum: Et augmentatur amissio motus in Extremitatibus, et invadunt*

*) Lib. 4. Fen. 3 tract. Tert. Cap. 2. Tom. 2.

dunt agrum somnia terribilia, et mala ulcera, et cum protenditur tempus, depilantur pili supercili-
orum, oculorum, et pili nasi, et palpebrarum, et incipit distractio nasi, et ejus profundatio, et factor anbelitus. Signa demonstrativa perfectionis Lepre satis patent, et non possunt latere sensus hominum, quoniam alteratur color, et perditur vox, et depilantur pili totaliter, et ulceratur superficies corporis, et fluit ex ea putredo cum vehementia fætoris, et incipiunt cadere extremitates, et lacrymantur oculi &c. His subungere liceat Gravissimi viri sententiam de hac Arabum Lepra, et solidissimum pro nostra opinione argumentum. Hæc Lepra, inquit, Arabum videtur nobis Græcorum Elephantiasis esse, quippe simili symptomatum caterva circumvallata, quasi est, neque ullum hac in re dubium relinquitur, cum Arabes medici Lepram Græcorum seorsim tractarint, Elephantiasin non item. Nec injuria. Est enim hæc non nisi summus Scabiei apud Paulum, et impetignis apud Celsum, gradus, neque ullo modo dissentit Avicenna. Albaras nigra, inquit, est illud, quod nominatur etiam impetigo excorticativa, et est Scabiositas accidens cuti, aspera, vehemens, et facit squamas, sicut sunt piscium cum pruritu, atque est propter humorem melancholicum etc. *) In quo tanta est Græcorum et Arabum consensio, nihil ut magis esse possit.

D 2

§. 9.

*) Libr. 4 Fen. 7. Tract. 2. Edit. Ven. 1564.

§. 9.

Si quis desideret plura circa Leporam Græcorum, adeat Galenum, qui in suis Definitionibus illam dicit *Cutis mutationem in habitum, qui præter naturam sit, cum asperitate, et pruritibus et doloribus, non numquam et squamis decidentibus, interrim secus, plures hæc etiam corporis partes depascitur.**) Ad eandem Leporam referunt Auctores, quod Celsus habet de Vitilagine. Tres admittit hujus mali species. *Alphos vocatur, ubi color albus est, fere subasper, et non continuus, ut quedam quasi guttæ dispersæ esse videantur. Interdum etiam latius, et cum quibusdam intermissionibus serpit. Melas colore differt, quia niger est, et umbræ similis. Cetera eadem sunt. Leuce habet quiddam simile Alpho, sed magis albida est: altius descendit, in eaque albi pili sunt, et lanugini similes. Omnia hæc serpunt; sed in aliis celerius, in aliis tardius. Alphos et Melas in quibusdam variis temporibus et oriuntur, et desinunt. Leuce, quem occupavit, non facile dimittit.*

§. 10.

Leporam autem Judæorum, Levit XIII. delineatam, quod attinet, vix eam differre à Leuce Celsi, et Albaras alba Arabum, facile patet, si hos morbos sine præjudicio comparemus. Cum Elephantiasî Græcorum saltem confundi nequit, utpote quæ tuberculorum, vitiatæ vocis, aliorumque

*) Ascript, Finit. Fol. 47. Edit. Ven. apud Junt. 1625.

**) Libr. V. ad fin. edit. Lugd. Batav. 1592.

umque symptomatum Elephantiaeos essentialium expers fuerit.

§. II.

TANDEM, ne quid relinquamus intactum, quod aliquam similitudinis speciem cum morbo Norvegorum endemio præ se ferre videri possit, dispiciamus etiam de Elephantia Arabum. *Istud*, dicit Rhases, *accidit in pede et crure ita, quod confirmatur valde et magnificatur, et fiunt ibi eminentiæ — et incurrit apostema, quod est difficilis resolutionis, et chronicum.**) Ex hoc, uti et aliis auctorum arabum testimoniis elucescit morbum fuisse localem, varicosum, ulcerosum crurum pedumque, hinc ab universali illo morbo, quem pertractavimus, toto cœlo diversum.

§. 12.

SUFFICIAT ex antiquioribus scriptoribus paucos illos, at, quantum saltem ad Elephantiasin spectat, præstantissimos adtulisse, liceatque sicco pede præterire varios alios græcos, latinos, arabesque medicos, pro scopo nostro superfluos, magnamue partem ab eodem alienos, qui dandæ potius morbi therapix quam diagnosi insudaverint. Medii autem ævi auctores perinde relinquamus, quippe qui pro genio ætatis non satis distincte de hoc morbo scripserunt, eumque cum Lepra confuderunt. Sed

*) Libr. I. divis. Cap. 107. Edit. Basil, 1544.

ab his deceptum esse magnum ceteroquin virum, F. B. de Sauvages, jure suspicamur. Tribuit enim lepræ græcorum notam characteristicam, quæ tantum lepræ Arabum convenit, quæque à lepra Galeni, à leſce Celsi, à Bara Rhafis, ab Albara Avicennæ, est aliena, tubercula nempe dura verrucosa, Elephantiaſeos Græcorum signum pathognomonicum.

§. 13.

Quod si allata ex antiquis auctoribus loca comparamus, mox apparet, in hoc consentire ad unum fere omnes, quod sit morbus chronicus, sanatu difficillimus, tuberculis crebris, tumoribus, ulceribus foetentibus, fissuris, maculis et squamis, corpus ægroti deturpans, summam corporis partem primo invadens, mutationem vocis et dyspnoeam inducens. Easdem notas invenimus apud septentrionales medicos superius adductos. Iterum eadem occurrunt in historia morbi Norvegorum endemii, quam autopsia ductus, in capite primo propofui, unde puto, extra omnem dubitationis aleam esse positum, quod dictus morbus idem sit ille, quem Græci sub Elephantiaſeos, Arabes sub Lepræ nomine observarunt et delinearunt.

§. 14.

Vix dubito fore, qui perlegendo omnes illas morbi descriptiones, singulasque cum singulis

gulis comparando, aliquam diversitatem sibi videre videantur. Nec negari potest unum auctorem præ altero plura enumerare symptomata. At vero attendat benignus lector ad sequentes rationes. Primum distinguendum erit inter descriptionem, qualem antiqui præsertim dederunt, et accuratam et succinctam symptomatum usque quaque præsentium collectionem, qualem sub nomine characteris recentissimi auctores systematici elaborare adnituntur. Facile enim illam, descriptionem puta, multa ingrediuntur symptomata individualia, sive in singulis ægrotis, non in omnibus, adnotata. Deinde potest æris constitutio, clima, victus, ipsumque solum diversum ad efficiendas notabiles morbi cujuslibet epidemici v. endemii varietates, ne dicam species, plurimum conferre, hinc fieri non potuit, quin Elephantiasis, pro ut diverso ævo, diversoque loco, observata est, quoad totam suam faciem aliter ac aliter describeretur, adque ipsa signa essentialia et perpetua, ut pote diverso gradu occurrentia, magis minusve attenderetur. Unde non mirandum est, delineationem morbi, quam Cl. Peterfen, tum etiam Exper. Möllerus elaborarunt, ab illa, quam apud reliquos septentrionales medicos legimus; non parum differre. Quid, quod ego audiui à viris fide dignis, eundem

istum morbum in Norvegia septentrionali non modo frequentiore, verum etiam sæviorem multo, et terribiliorem esse, quam in meridionali regni parte? Porro nihil ob stare potuit, quo minus lepra Græcorum simul cum eorundem Elephantiasi per Europam vagaretur, et adhuc dum in septentrione hospitetur. Veram lepram Græcorum in Sophronisterio Havniensi, plus simplici vice, observavit Amplissimus et Experientissimus Tode. Neque improbable est, in uno eodemque homine utrumque malum passim sedem invenisse communem. En nova scaturigo erroris et confusionis in Elephantiasis Septentrionalium historia!

§. 15.

PRIUSQUAM finem opusculo imponamus, paucis disquirere liceat, unde veniat potissimum, quod in ore populorum septentrionalium Elephantiasis scorbuti nomen sortita sit, et quo tempore uterque morbus primum apud nos adparuerit: Rationes deinde adjiciamus probabiles, cur iste morbus in ultimo Septentrione majores acquisiverit vires, altioresque fixerit, radices quam in reliquis Europæ regionibus.

§. 16.

NON sub finem seculi decimi tertii, uti vult Itinerarium perillustis quondam Islandiæ Nommo-

mophylacis Eggerti Olafi filii, primum in septentrione innotuit scorbutus, *) sed octingentos ante annos, seculo nimirum decimo, ejus fieri mentionem invenimus, hominemque eo detentum ad integram redire sanitatem.***) E contrario statuit hoc Itinerarium Elephantiasin coarvam esse primis Islandiæ habitatoribus, quæ narratio, quantum novi, firmæ historicæ auctoritati haud innititur. Exstat quidem in vita Regis Norvegiæ, Olafi Tryggii filii, locus de Islando quodam leproso, Thorhallo Knapstadenfi nuncupato, qui consilio Regis per somnium apparentis templum exstruens, sanitatem recuperasse dicitur Anno 1000.***)) Sed Gunnlögum Monachum ducentis post annis vitam religio-

D 5

sis-

*) Vice-Lavmand Eggert Olafsens og Landphofici Bjarne Povelsens Reise igiennem Island. Sorø 1772.

**) Jam Thorsteinus pulcher atque Einarus in altum vebuntur. Thorsteinus vero in Oceano morbo, scorbutico dicto, correptus, muneribus suis fungi nequit. Hi in Norvegiam delati triclinium sibi mercede conduxere. Ibi integram hyemem decubuit Thorstenus. De Thorsteno Pulchro refertur, quod saluti restitutus, nave instructa Islandiam petierit, proximaque, post peractas nuptias, æstare in patriam redierit. Vita ejus Cap. III. et IV. Iste Thorstenus synchronus eras comiti Haquino Sigurdi filio Regni Norvegici gubernatori.

***)) Saga Olafs Tryggvasonar Noregs Kongs, prentud i Skálholte 1689.

fissimi Regis miraculo hocce, monachorum more potius ornasse, quam vera narrasse probabile est. Nullus ideo mihi certus occurrit locus de existentia Elephantias eos in Septentrione antiquior Testamento Regis Magni, Legum Restauratoris, Anno 1277 confirmato,*) unde concludere licet Elephantiasin per Expeditiones sacras seculo duodecimo ultima vice in vectam septentrionem nostrum, uti reliquam Europam, inundasse, et hac in re mecum consentiunt viri historica cognitione celebres. Hinc fieri potest, Elephantias incognitæ ab initio antiquioris scorbuti nomen impositum fuisse, cujus rei similitudinem aliorum nonnullorum morborum Exempla comprobant. Postquam vero innotuit horrenda morbi sævitia, eum sine invocatione Dei nominare non audebant septentrionales, quod frequens illud Islandorum, dum Elephantiacum nominare necesse habent, testatur; þann er spítelstur, Gud ste of næstur! id est, ille est leprorsus, sit Deus nobis propitius vel proximus!

§. 17.

PRÆTEREA servati adhuc scorbuti nominis loco Elephantias eos rationem invenio in Diætâ, quæ

*) Item ad Ospitale sanctæ Chatarinæ Leproforum Bergis centum marcas sterlingorum consulimus, Edit. Hafn. 719 pag. 14.

quæ utrique morbo sanando convenit, ut et in variis causis occasionalibus et prædisponentibus utrique affectui communibus. Constat enim victum vegetabilem, diætam lacteam, carnes animalium juniorum recentes, et motum corporis moderatum ad tollendum scorbutum, non secus ac Elephantiasin remedia esse convenientissima; contrariam vero vitæ rationem utrique morbo producendo multum favere. Hoc non modo vulgum in confusionem nominis inducere potuit, sed etiam doctissimos et experientissimos in septentrione medicos à veritatis via abduxisse videtur, qui Elephantiasin summum scorbuti esse gradum, nimis præcipitanter judicant.

§. 18.

SED quærere quis potest, cur Elephantiasis diutius in ultimo septentrione sævierit, quam in reliqua Europa, cum sit morbus ex diffitis mundi plagis invectus, atque adeo Boreæ non inquilinus, et proprius. Variæ esse possunt rationes hujus rei. Primo fieri potest, majorem curam in aliis regnis illi extirpando adhibitam fuisse, quam in Norvegiæ, et insulis adjacentibus, quod vero similiter concludere licet ex multitudine nosocomiorum apud nonnullas Europæ Gentes pro excipiendis leprosis instauratorum

torum,*) ut et numero medicorum, qui hunc morbum scriptis suis illustrare conati sunt. Hoc non ita apud nostrates evenit, nam pauca nimis nosocomia apud nos in hunc finem fuere exstructa, pauciores vero exstant medici, qui morbinaturam et methodum medendi explanarunt.

§. 19.

ALTERA causa mali hujus tam diu perdurantis est sine dubio multiplex illud vitium in sex rebus non naturalibus, quod Cap. I. inter causas morbi recensuimus. Hæc incommoda vitæ sub rigido aquilone sunt fere inevitabilia, iis imprimis, qui captura piscium vitam sustentare coguntur. Hæc omnia in variis aliis regionibus, regnisque modo se habent contrario, ubi alimentis è regno animali recentibus, conditis et nobilissimis simul vegetabilibus non carent vel, infimæ sortis incolæ: unde non mirum est hunc morbum, superioribus seculis per Europam epidemice grassatum, sedem sibi firmiorem in aquilone, quam alibi fixisse; heic enim eadem dantur rationes, ac in illis regionibus, ubi eum adhuc ali, et velut endemice favire, legimus.

§. 20.

Ex his, quæ jam protuli, facile patet, non mirandum esse, quod Elephantiasis sub aquilone nostro

*) De 19000 narrat Matthæus Parisiensis.

nostro adhuc grassari possit, et ex descriptionibus morbi inter se collatis certissime constat, ipsum revera ibi in hunc usque diem sævire. Res enim quæcunque, quarum notæ characteristicae essentialis et constantes conveniunt, illæ inter se ita consentiunt, ut pro eadem sunt habendæ. In superioribus autem monstravi notas essentialis Elephantiasis in Norvegia grassantis prorsus convenire cum notis essentialibus morbi ejusdem nominis ab antiquissimis auctoribus descripti, unde nullum superest dubium morbum istum, quem Norvegi *Radesyge*, *Speidalsfød* et *Saltflod* promiscue vernacula vocant, veram esse Græcorum Elephantiasin s. Lepram Arabum.

§. 21.

Hac doctrina accepta, et confirmata, facilius erit via ad methodum medendi investigandam, spesque affulgebit morbum hunc in septentrione nostro aliquando extinctum iri.

Doctissimo et Experientissimo Auctori
f. p. d. Jo. Clemens Tode.

*Opusculum Tuum, quod meæ, ceu futuri
præsidis, censuræ subjecisti, omne Tuum ad
Te redit. Non dubito elaboratissimam il-
lam scriptiorem plus simplicejure apud ex-
teros, non secus ac in patria, communem
Medicorum plausum inventuram esse. Et
primo quidem agis de morbo crudelissimo,
hactenus non satis cognito, et, nisi omnia
me fallunt, propter hanc obscuritatem non
minus, quam ex suo ingenio, tam terribi-
lem. Lues enim venerea, Scorbutus, alia-
que mala ideo potissimum desierunt tantas
strages edere, quam seculis elapsis, quod
perspectam jam habemus illorum naturam,
idoneamque parare possumus medicinam.
Deinde hoc exemplo doces, quam utile sit
in dijudicandis variis morbis, pro novis
habitis, ad antiquissimos recurrere fontes,
et exemplaria Græca nocturna versare
manu, versare diurna. Egregium quoque
documentum sistit fida tua Elephantiascos
Norvegicæ historia, quam parum in admit-
tenda natura morborum venerea creden-
dum*

dum sit mancæ et mutilæ analogiæ , singulis nempe nonnullis symptomatibus ex sua syndrome et nexu artificiose resectis, vel etiam fallacissimo levamini, ab hoc vel illo medicamine efficaciore quasi per transennam observato. Vero operæ tuæ pretio vix quidquam ideo decedit, quod disquisitioni pathologiæ therapiam non subjunxisti. Nam si verum est, cognito morbo, facile inveniri ejusdem remedia, Tua quoque Dissertatio facem certe præfert Medicis, quotquot lui illi medendæ methodum sibi indagandam et adornandam in posterum sument. Liceat autem, quod inter privatos parietes mihi fecisti, promissum publici juris facere, Teque Patriæ et Artis nomine ad dandam, quam primum poteris, probatiorem morbi therapiam, adhortari. Vale, et eximio Tuo ingenio ad partes Tuas cum laude agendas, adque munus Tuum cum omnium bonorum plausu sustinendum, utere! Dabam XIX. ante Calend. Septembris MDCCLXXXV.



Errata.

- Pag. 19. l. 16. lege Quamquam
— 25. - 12. — corpus, verum
— 26. - 22. — sporadicum
— 27. - 21. — foedantur tumoribus plumbei coloris,
qui exulcerantur foedum
— 34. - 9. — apparunt
— 35. - 6. — Sentio
— 41. - 4. — Pulcrum, nec minus plenam
— 45. - 17. — metus est, ne morbus

SVM MOS IN ARTE MEDICA HONORES
DOCTISSIMO ET EXPERIENTISSIMO
CANDIDATO
JONAE GISLESEN
CONFERENDOS INDICIT
RECTOR ET SENATVS
REGIAE VNIVERSITATIS HAVNIENSIS,

THE
OFFICE OF THE
CLERK OF THE
SUPREME COURT
OF THE DISTRICT OF COLUMBIA
HAS RECEIVED
FOR DEPOSIT
AND RECORD
IN THE OFFICE OF THE
CLERK OF THE
SUPREME COURT
OF THE DISTRICT OF COLUMBIA
A BOOK OF THE
TITLE
OF THE
AUTHOR
AND
PUBLISHED BY
THE
OFFICE OF THE
CLERK OF THE
SUPREME COURT
OF THE DISTRICT OF COLUMBIA



Numerorum characteres, quos *Arabicos* vulgo vocant, tam indole sua quam usu, etiam obiter consideranti, tam multum observatione dignum ostendunt, ut in illorum origines atque initia Europæa inquisitio magni satis momenti videatur. Characteres ipsi tam sunt à communibus Literis diversi, ut quum hæ vocis tantum sonos indicent, illi ipsas, quas numerorum vocabulis jungimus, ideas repræsentent. Hi numerorum ductus, etiam ab omnibus aliarum nationum scribendi characteribus tam multum differunt, ut si ex aliquo literarum ductu illos derivare velimus, imaginationi nostræ vis sit adhibenda. Ipsa denique numerorum ratio, ut iidem characteres diversis positi locis diversos habeant dignitates, illorum inventionem tanto pere reddit consideratione dignam, quum in illa ipsa perfectioris nostræ Arithmeticæ

E

ratio

ratio consistat. Hæc omnia atque alia, quæ in numerorum characteribus observantur singularia, quæstionem de illorum originibus non Historico tantum commendant, sed critico etiam in disquirendis litterarum monumentis, codicibus, diplomatibus: multo vero magis Calculatori erudito atque diligenti, ne erga tantam sibi que tam proficuum inventionem ingratus videatur.

Quæ vulgo recepta est, *Arabicorum* characterum appellatio, vulgarem de illorum Arabica origine opinionem declarat: non tamen id, quod nonnulli putant, perhibet, esse istos characteres Litteras Arabum, quasi hi, sicut aliæ nationes antiquæ, priores Alphabeti Litteras ad significandos novem numeros cardinales adhibuissent. Verior potius est sententia, inventionem ipsam numeros istis characteribus significandi, ab Arabibus ad Mauros Africanos, inde ad Hispanos, denique ad ceteros Europæos migrasse. Rectius ipse Arabes, præcipue doctissimus *Al-Sephadi* in commentarii ad poema *Tograi*, teste *Wallisio* in Opere Arithmetico, Cap. 31 inventionem Indis retribuant; de cuius tamen origine ac progressu nihil amplius narrat auctor. Consentit cum hoc græcus seculi XIV medii monachus, *Maximus Planudes*, in Arithmeticæ suæ rubro tribuens diserte Indis numerorum characteres ipsorumque usum.

Affer-

Asservatur hic liber manu tantum exaratus in Vaticano, in S. Marci Bibliotheca Venetiis, atque in Bodlejana Oxoniæ.

De tempore, quo primum *Europæi* præter Hispanos usi sin his numerorum characteribus Indicis vel Arabicis, *Athanasius* quidem *Kircherus* atque *Johannes Mabillon* perhibent, non ante annum 1420 vel 1400 illos in scriptis non arithmeticiis reperiri, *Josephus* tamen *Scaliger* primum illorum usum ad annum 1300 retroponit; *Johannes* vero *Gerardi Vossius* atque *Johannes Wardius* ad a. 1250 circiter, quo nempe usus sit illis *Joannes à Sacro-Bosco*. Quorum scripta satis nota ipsa sunt inspicienda. Nemo vero diligentius in horum characterum usum *Europæum* inquisivit, quam mathematicus ille Episcopus *Joannes Wallis*, in *Algebræ* Cap. III. ad V. Operum Vol. II. pag. 7 seqq. Erat, secundum has disquisitiones, Monachus Floriacensis Franco-Galliæ, *Gerebertus* vel *Gerbertus*, quem *Gilbertum* vocant Centuriatores Magdeburgenses, instructor Roberti Hugonis filii Capeti, postea regis, atque Ottonis III., postea imperatoris, qui seculo X. medio in Hispania horum characterum usum addiscebat, eundemque scriptis pluribus atque doctrina sua reddebatur notio-rem. Eruditissimi illius monachi, eve-cti deinde ad Episcopatum Rhemensem, Anno 992, ad Ravennatem a. 996 et ad

summum denique Pontificatum a. 998 vel 999, Epistolæ impressæ Parisiis 1611 et 1636. imprimis vero ipsius Tractatus Geometricus, qui ex vetustissimo codice Salisburgensi prodiit in Thesauro Anecdotorum novissimo *Bernhardi Pezii*, non cognitum solum ipsi illorum characterum usum demonstrant, sed illorum etiam rationem, qua diversis locis positi diversas obtinent dignitates; quæ quidem illius inventionis virtutes sunt principes.

QUÆ horum characterum origines orientales, eorundemque inter Europæos nationes progressus, quanquam certissimis historicis testimoniis confirmentur: non defuerunt tamen, qui illorum antiquiorem Europæam originem vero reddiderint similiorem. Non arrident quidem *Conradi Dasypodii* atque *Petri Danielis Huetii* placita, illos numerorum characteres ex *Græcis*, quibus numerorum loco utebantur, litteris ortos perhibentium: tametsi illud nos celare non possumus, fieri posse luxuriantis ope imaginationis ut ex variantibus græcarum litterarum formis variantes cifrarum formæ deriventur, quantumvis ceterum iidem sint diversi. Quæ si tamen placita veri videantur similia, à Græca horum characterum origine retro foret eundem vel ad *Phænices*, Græcarum litterarum priores inventores, quos rationum suarum causa commodiores etiam numero-

merorum characteres invenisse, ingeniosissimus *Schloezerns* opinatur: vel ad *Aegyptios*, quorum Mumiarum involucra gossypina similibus characteribus insignita observavit eruditissimus *Büttnerus*, olim Göttingensium jam Jenensium decus. De quorum doctorum placitis relatum legimus ab amico, illorum quondam auditore. Ex similibus olim rationibus doctissimus *Theoph. Siegfr. Bayer*, in dissertatione de Eclipsi Sinica, nostros numerorum characteres ad *Sinenses* inventores retulit, quorum quidem characteres omnes ac singuli sunt idearum signa: sed de numerorum tamen usu, qualem ab Arabibus accepimus, inter Sinenses recepto nondum constat, donec de characterum istorum dignitate locali, quæ in Arabum Arithmetica præcipuum est commodum, reddantur certiores. Nam si vel maxime nostri numerorum characteres essent ægyptiaci, ad hos ipsos ac Indis antiquissimis, vel ab illis ad Sinenses, ad Phœnices, vel ad Græcos antiquissimos propagati; Arabibus tamen solis ista gloria foret vindicanda, se characteres, vel ab Indis, vel ab Aegyptiacis vel à Græcis etiam acceptos, opportune ad usus rationesque suas accommodasse atque Arithmeticam nobis commodissimam tradidisse, quam per Europam primus propagavit doctissimus ille Gerbertus.

QUUM tandem *Romanos* etiam vel Latinos, præter characteres litterarum uncialiales et capitales, usos fuisse minusculis vel cursivis, et præter notissima signa numerorum ad operationes arithmeticas prorsus inepta etiam notis numericis minusculis, nuper demonstraverit doctissimus et generosissimus *J. Bapt. Casp. d'Ansse de Vil-loison* in *Anecdotorum Græcorum* Tomo II. Venet. 1781. 4. pag. 143 - 158. nos quidem locum illum, ubi notarum numericarum minuscularum apud Romanos usus certior redditur, ipsi perlustrabimus. Dissertatio nempe mathematico-critica de *Numeralium Notarum minuscularum origine* inserta est bonæ frugis plenissimæ collectioni *Raccolta d'Opusculi scientifici e filologici*. Tomo XLVIII. 1753. Ven. 12. pag. 21-110. Notas 7 et 3, etiam 4, intermixtas fuisse quibusdam antiquis Inscriptionibus, ostendit auctor anonymus pag. 24-31; in codice etiam Bedæ de Temporum ratione 8 notam significare septem uncias: sed quid in istis Inscriptionibus valuerint illæ notæ minime liquet. Notam Z significasse duo et simul syllabam *di* vel *si*, probatur pag. 33 seq. Porro 5 loco VI fuisse adhibitam et 9 pro C (centum). Plures ejusmodi notas in Ponderum ac Mensurarum catalogum retulisse *Priscianum* constat, de quarum tamen significatione etiam grammatici certant. Refert vero acerrimus criticus *Isaacus Vossius*, in Pomponium Melam

Melam pag. 64, vidisse se ex sexto seculo codicem Arithmetorum *Anitii Manlii Torquati Severini Boethii* nostris vulgaribus numerorum notis refertum. Exemplum affert noster auctor anonymus pag. 46. primæ seriei Tabulæ superparticularium, ubi omnes nostræ numerorum notæ, ab 1 ad 10, suo ordine positæ conspiciuntur. Existimat vero auctor talem habere istos characteres connexionem cum operationibus à *Boethio* peractis, ut has ab illis sejungere arduum æque sit, ac velle Isthmum perfodere. Quinimo *Boethius* ipse in Libri I. calce, Apices seu characteres suos à Pythagoricis Arithmeticæ inventoribus, aut ab ipso etiam Pythagora, originem duxisse, adeoque antiquissimos omnino fuisse existimavit. Nobis vero à Pythagora rursus ad Orientem vel ad Indos esse retro eundem itidem videtur; ut adeo nostri numerorum characteres, qui cum ceteris disciplinis ex Oriente in Occidentem antiquitus migraverant, non brevissima via ex Italia ad nostros pervenerint, sed post Græcarum litterarum in Occidente interitum iterum ab Orientis oris ad ultimas Gades appulerint, indeque per Gerbertum, tanquam alterum Pythagoram discendi ardore flagrantem, in Franco-Galliam atque Germaniam perlati, tandem etiam ad Septentrionis plagas atque ultimam Thulen fuerint propagati.

SED ut finem nunc inponamus sermoni, alia tamen occasione absolvendo, nos monent indicenda solemnia

VIRI CLARISSIMI ET EXPERIENTISSIMI
JONAE GISLESEN,
 ISLANDI,

PRÆFECTURÆ BUSKERUDENSIS
 PHYSICI REGII,
 ET CIVITATUM DRAMARUM POLIATRI.

QUANTA industria difficultates studii medici eluctatus sit, et quot quantisque ducibus ad eruditum & exercitatum medicum formatus fuerit, quo jure denique laboris præmia jam poscat Candidatus dignissimus, ex ejus vitæ curriculo, propriis ipsius verbis, uti moris, exponendo, patebit.

Ego JONAS GISLESEN villæ Mogilsa in australi Islandiæ parte et quidem Kiosensi præfectura sitæ incunabula debeo, ortus anno 1750 à parentibus GISLIO JOHNÆ filio et CHRISTINA BERGSTEINI filia, qui generis decore et gloria majorum ob pauperiem obumbrato, ruricularum more vitam sustentarunt. Parentes optimi me sanctissimæ religionis cognitione imbutum operibus suis assvescerunt, ut, labente illorum ætate, debitam sibi præstare possem operam. Evenit autem anno ætatis meæ decimo sexto, ut Praepositus Ecclesiarum Toparchiæ Gullbringensis et Kiosensis, vir multum Reverendus

rendus Dn. GUDLÖGUS THORGEISSONIUS, me inter ceteros adolescentes examinans, ob depromta è sacro Codice responsa, opinaretur, me tantis esse animi dotibus præditum, ut, rusticis operibus relictis, musis nomen dare merito deberem. Pater, quanquam inops, et cui opera vita esset, spe tamen felicitatis meæ hoc modo obtinendæ commotus, venerabilis Præpositi monitis morem gessit, qui ingenium meum ulterius tentatum laudavit, atque ei hac in re annuit vir Reverendus Pastor Ecclesiæ Mosfellensis in Grimsneso, Dnus. HILARIUS ILLUGII filius. Ita isti ambo laudatissimi viri prima eruditionis meæ fundamenta jecerunt. Initia hæcce eruditionis erant dura; primo enim cum adversa veletudine conflabam, et deinde aditus ad Regiam Eleemosynam pauperrimo per triennium præcludebatur. Unde auno primum ætatis decimo nono Scholam Schalboltensem intrare mihi licuit, ubi postquam Musis sub signis virorum amplissimorum Magistri BIARNII JONÆ filii Rectoris, et PAULI JACOBÆI Conrectoris per triennium militaveram, ex autoritate summe venerabilis Episcopi Dni. FINNI JOHANNÆI S. S. Theol. Doct. à Præfecto Islandiæ, viro Perillustri LAURENTIO ANDREA THODAL approbata, Havniæ transmissus sum, in aliqua Scholarum Sælandiæ collocandus. Quanquam non optime conveniret cum gratiosissimo Privilegio Beatissimi Regis FRIDERICI VII. adolescentem rerum omnium egenum hunc in finem ad externos mittere, erat tamen hoc mihi initium melioris vitæ conditionis. Nam cum hoc ventum est, summe venerabilis eminentissimus Siælandiæ Episcopus beatæ memoriæ LUDOVICUS HARBOE me viro amplissimo Magistro OTTONI RHUD, Scholæ Slaglosiensis Rectori, statim commendavit, ubi non modo à commi-

litioni-

litionibus libentissime receptus sum, verum etiam ab oppidi optimatibus beneficiis magnopere cumulatus, quorum grata mente, dum spiro recordabor. Transactis ibi sub socia institutione Rectoris superius laudati et optimi viri Magistri BORRICHII Scholæ Conrectoris duobus fere annis, Havniam redux albo civium Academicorum inscriptus sum, scientiasque philosophicas colere coepi sub auspiciis perillustrium virorum, qui borealibus hisce Athenis rem publicam litterariam tunc temporis moderabantur, nominatim: In Logica et Metaphysica B. RISBRIGH; in Philosophia Morali B. G. DE OBELITZ; in Philosophia naturali experiment. CHR. GOTTL. KRATZENSTEIN; in Mathesi CHR. HEE; in Astronomia CHR. HORREBOV; in Historia et Geographia BERNH. MÖLLMANN; in lingua Latina CHR. FRID. WADSKIÆR; in lingua Græca ABR. KALL, et præterea in Theologia nat. CHR. GOTTL. SEIDELITZ qui id temporis erat præpositus communitalis Regiæ, exercitationibus in communitate Regia interim haud neglectis. Sequenti simul æstate initia Botanices et materiæ medicæ à viro clarissimo et experientissimo M. SAXTORPHIO hausi, in re vero philosophica vir Celeberrimus, et fautor benignissimus ABR. KALL privatim me instituit, unde ad finem anni 1775 profectus meos censoribus optimis explorandos submisi, quos laudabiles communiter judicarunt. Postea ad scientias Philologicas secundum mandatum Augustissimi Regis tunc temporis promulgatum me applicui, magistris usus amplissimis; in Latinis CHR. WADSKIÆR; in Historia et Geographia J. H. SCHLEGEL; in Hebraicis et Graecis ABR. KALL, qui me præterea singulari benignitate in his omnibus privatim instituit. Anno 1777 profectus meos hac
in

in re publico examini probandos subjeci, laudemque communi aequisimorum censorum judicio reportavi. His ita peractis, in Hygaeae comitatum me dedi, peritissimos secutus duces, viros amplissimos; Nimirum in Anatomia Physiologia et Elementis Botanicis ROTBÖL FRIIS; item in Anatomia et Chirurgia CALLISENIUM et HENNINGSIUM; in arte obstetricia M. SAXTORPHIUM, qui, postquam in simulacro puerperae mechanico praxin obstetriciam monstraverat, Xenodochium puerperarum mihi gratosus aperuit, unde tamen fructum tantum non percipiebam, quantum sperare fas est iis provenire, qui ibi per certum tempus constanter habitantes occasionem habent optatissimam quotidie observare singula, quae in eo negotio eveniunt; nam tunc temporis locus hospitii mihi nullus ibi vacavit; in Physica experimentali KRATZENSTEINIUM, hanc enim scientiam ductu scientissimi et experientissimi viri Fautoris benevolentissimi, et candore animi sincerrimo ornat, ab integro recolui; in materia medica, Therapia generali et speciali, Pathologia, medicina forensi, et Praxi clinica virum indefessum et ingenii acumine excellentem TODIUM, qui et praeterea non modo lubentissimae domi suae privatim Apollinis adyta mihi patefecit, sed et, cum occasio ferret, aegrotos semet ipso duce visitandi, insigni cum meo in arte emolumento, copiam fecit. Prima denique artis Hermeticae elementa me docuit idem vir Experientissimus, quod mihi et aliis medicinae cultoribus erat acceptissimum. Cum vero fautori optimo domus non ita esset comparata, ut commodè instituire posset omnia, quibus opus erat ad processus chemicos exhibendos, veniam impetravi a viro clarissimo et solletissimo Dno. MÜLLER a Consil. Just., ut ejus operationibus Hermeticis inter-

teressem, quam ob rem ei me magnopere obstrictum gratus profiteor. Interfui quoque praelectionibus clinicis viri doctissimi et exercitatisimi Professoris F. L. BANG, qui et mihi, ut aliis artis salutaris studiosis, comitandi sese, aegrotos in Nosocomio Fridericiano visitantem, veniam gratiosissime impertiit. Interea locum in Coll. Mediceo philologicum amplissimus Senatus academicus, philologiae candidatis quasi praemium ex mandato Regio designatum, benignissime mihi concessit. Ibi Tentamen historico medicum, ex antiquitatibus borealibus collectum, quatuor constans particulis, pro isto Stipendio edere aggressus sum. Instituentis juvenibus simul operam collocavi, quorum tres Academiae tradidi, qui laudatos in artibus et scientiis profectus doctissimis Censoribus probaverunt. Ad studium medicinae eo diligentius atque facilius persequendum intercessu illustris et optimi Herois O. HÖEG GULDBERG ex Thesauro privato Augustissimi Regis CHRISTIANI VIIum litterarum et litteratorum clementissimi et munificentissimi Fautoris et Benefactoris, subsidium pecuniarum 70 imperialibus constans, rebus meis egenis exoptatum levamentum accepi, cujus beneficio ad publicum Examen sustinendum anno 1781 paratus evasi, quod tamen certas ob rationes in annum 1783 protrahum est. Quo interjecto tempore evenit, ut cives Dramarum in Norvegia ob discessum viri clarissimi et experientissimi Dris. ARBO, qui diu inter eos medicinam optimo cum successu exercuerat, ope medica destituti, ex hac regia Metropoli auxiliatorem sibi quaererent, sed aliis frustra sollicitatis, precibus eorum annui, et eum in finem examen medicum rigorosum cum laude sustinui; ceterum, ut promissis stare possem, curarunt praediti cives optimi sumptus itineris maxime

xime necessarios liberaliter in antecessum suppeditando. Ita medicinam ibi per unum annum et dimidium felici successu apud illos tractavi, sed laurea doctorali mihi, quod ab Academia abessem, non concessa, illius obtinendae gratia hac me iterum contuli, et Medici provincialis munere in Dramarum oppidis et praefectura circumjacente, quae à Buskerud denominatur, a Clementissimo Rege ornatus, tractatum de morbo Norvegorum inquilino, qui Radesyge vulgo audit, pro summis in arte salutari honoribus publice defendendum composui.

Hos vero honores ipsi, uti optime merenti, ab ordine medico decretos ut ritu majerum capessere queat, nihil ei restat, nisi ut specimen suum inaugurale *de Elephantiasi Norvegorum* publico submittat examini illudque contra dissentientes tueatur. Superato hoc certamine, cujus moderamen, praemissa prolusione *de jurgiis et odiis gentis apollineae*, geret Vir Ampl. et Exp. JO. CLEMENS TODE, tandem Magnus Universitatis nostrae Rector, Vir illustris CHR. GOTTLIEB KRATZENSTEIN, Med. et Phil. D. cet. quod Prodecani officii est, peraget atque pro ea, qua à Rege Augustissimo CHRISTIANO SEPTIMO, interprete sene multiplice nomine devenerando, Comite illustrissimo OTTONE THOTT, inter sanctioris consilii proceres seniore, Academiae Patrono exoptatissimo, instructus est, auctoritate, Candidato nostro Lauream imponet Apollinarem.

Quon

Quod cum crastino die, qui est mensis Septemb. /*mus*, fiet, gravissimos Reipublicæ literariæ proceres, nec non nobilissimos universitatis nostræ Cives, omnes denique literarum fautores et cultores officiosissime et humanissime rogamus, ut honorifica sua præsentia hanc solennitatem condecorare velint.

P. P. HAVNIAE,

MD.CAL. SEPTEMBR. clb^o CCLXXV.

SVB VNIVERSITATIS ET FACVLTA-
TIS MEDICAE SIGILLIS.



